


**NUNAVUTIP
APQUTIKHAA:
INUUNIQ PITILLUGU
COVID-19 QALAGJUARNIQ**



Contents

- 1 Humiitpita tadjá
- 2 Apqutikhaqqut
- 3 Ikajuutikhavut
- 4 Pidjutaa
- 6 Hivullikkut kiudjutit tikitpa COVID-19
Qalagjuarniq
- 8 Uqariijauti aannialaqidjutimi-hiamitirniinnik
atuqtipkainikkullu akhut kiklikhainnik inungnut
aanniaqtailinikkut maliktakhanik
- 9 Apqutikhaq Hivunimi
- 11 Munarihimmaarlutin uplaungaiqhimalutillu
- 11 Iniqtirutaa





Humiitpita tadja

Talvani 2020mi, Nunavut Kavamanga (GN) hulivaktuq kiudjutikkut qajangnarutaanun COVID-19 Qalagjuarnikkut nunajuarmi-aannialaqidjutimin. Talvannga, aullavaktugun naunaqtillogu, naunaijaqhuta pivikhaptiknik taimaatun nutaat naunaitkutit nuiqattaqtillogin tamatqivjakpakhutik ubluni tamainni. *Nunavutip Apqutikhaa* piliuqtauhimajuq pipkaijaaptikni kiulugin ajurnavjaktun nunarjuarmi-aannialaqidjutimi piluni ihumattiarnikkut qajagijumiklu pidjutikkut. Parnaqutikput tuniutijaatigun pidjutikhanik aallanguqtirutikhakkut qanurilurutikhanik taimaatun qajangnarutit aallangurutainni, hivumuuplatalu kangiqhittiarutiptikni aannialaqutimik ukunanilu ikajurutikhanun nakuutqijajumik hapummidjutikhavun hiamitirnianin-aannialaqidjutinin.

Ublumi, ilihimajugun amigaitqijajunuk COVID-19 Qalagjuarnikkut talvannga ilihimajaptiknin Maatsi 2020mi. Taimaa apquti hivunimi huli naunaqtuq, ajuiqtakhat ajuirhimajun, amigaiquummihimajuni angummadjutikhjanik ihivriuqhinnikkut kuidjutikkullu, hailihimajuniklu qajangnaitunik ihuaqtuniklu kapuutikhanik ikiklilaaqtihimajait qajangnautinik aannialaquti pidjutaani Nunavunmiunnun.

Hapkuat taimaittun pipkaqtaatigun nakuujumik havagutikhanik inuujaami pitillugu COVID-19 Qalagjuarniq. Una aannialaqutit tadja taimaittunuguqtuq kapuutimin pilarhuulairutikkut aannialaqidjuti pipkairuiqhini tadjainnaq nunallaanik nutqangaptipkaidjutinik, akhuuqtunik inungnun aanniaqtailinikkut qanurilurutikhanik, imaaluunniit tamaat aallanguqtqipiarutinik inuuhiptiknun. Taimaatun, turaangania tikittumanikkut nungudjutaanun Nunavunmi Inungnun Aannialaqinikkut Amigarniq (PHE).

Nunavunmiutat aulahimajuq pinahuarnikkut malingnikkut inungnut aanniaqtailinikkut maliktakhanik unalu kapuutikkut piniit aulahimaniaqtun pidjutiqipiarutiuniaqtun havagutiptiknik qaangiutidjutiptiknik nunarjuami-aannialaqidjutimin.

Taimaatuuraanginnarnikkut *Nunavutip Apqutikhaani*, ihumaliuqpiarhimaniaqtugun pidjutikhaptikni qajagiluta kihimi pijaptikni, havakhimmaarluta ikikliharnikkut, kakugulu piiqtirnikkullu, inungnut aanniaqtailinikkut maliktakhanik.

Apqutikhaqqut


Nunavutip Apqutikhaa: Inuuniq pitillugu COVID-19 Qalagjuarniq
naunaiqtitaa GN-kut pidjutaani maliktakhainnilu uvunga pijaralliqtirnikkut amigaqtijuummiqtirnikkulluunniit inungnut aanniaqtailinikkut maliktakhainni tunnganiqarluni qaujihimanirmi aannialaqtimi, ikajuutiptikni akiniarutikkut COVID-19 Qalagjuarnirmik ukunanilu nutaangutqijaujuni inungnut aanniaqtailinikkut ilitturijauhijamajunik.

Una pidjutikhaq hivulliuqtaujuq naunaiqtauhimajuqlu ukunannga:

- **Avvaguinnin kapuqhiqtauhimajunin inungnin nunallaami:** kapuutit nakuutqijaujuni naunaitkutivun nakuutqijaujullu ingattaqtailinikuk qajangnarutini kiudjutiptikni hivumuutiptingni.
- **Qanurinningani COVID-19 Qalagjuarnirmi Nunavunmi:** aannialaqihimajun nunallaami avikturhimanirmiluunniit naunaiqtinniaqtait qajangnarniit COVID-19 Qalagjuarnirmi hiamitirniani nunaptikni.
- **Qanurinningit kapurhiqtauhimanikkut amigaitilaanginni ukunanilu COVID-19 Qalagjuarnikkut aannialaqihimajun haniliriiktaptinik nunagijaujuni:** amigaijuummirmiit amigaitilaanginnik COVID-19 Qalagjuarnikkut aannialiqituni angiklijuummimiqtirniaqtaa qajangnarnik piliurutaani COVID-19 Qalagjuarnirmik nunaptiknun. Pivikhaq tamaat kapurhiqtauhimanirnikkut hailihimalirniaqtuq haniliriiktaptiknun nunagijaujunun tamaanilu Kanadami aujami. Tamangnik taimaidjutik ilauqpiagtun uvani qajangnarnikkut qaujiharutiptikni ihumagijaujukhallu hivumuutilluta.
- **Ihivriuhiqniq kiudjutikkullu angummadjutit:** pittaarhimmaarniit nakuujunun qilamiklu ihivriurutikhanik tamainni nunallaani, angummadjutivullu ihuaqtumik ihivriuhinirnik, naunaijarnirnik avaliingaaqtipkainikkullu, taimaalu kiudjutigilugillu piniarungnarhijun aannialaqidjutimi-hiamitirniinni taapkuat ihumaliurutaudjutiniaqtun uvani aulahimmaagtuni nunarjuami-aannialaqidjutimi kiudjutikkut havagutiptikni.
- **Nuitirniit aallanguqtauhimajunik ihumaalungnaqtun:** aallanguqtauhimajuni ihumaaluutigijaujuni hiamitpakmata qilamik imaalu/imaaluunniit angummadjutipkailluangittullu nakuuninginnik kapuutini angiklipkarniaqtaa qajangnarniq pipkainiarnikkullu pidjutilunik amigaiqtijuummirlugin kikliqarutikhanik. Uumunga taimainninganun, aallanguqtauhimajun ihumaaluutigijaujuni pipkaijuq angitqijaujunik qajangnarhidjutikhanik ihumaliuqtilluta hivunikhanik qanurittukhanik inungnut aanniaqtailinikkut maliktakhani.

Ikajuutikhavut

Hivumuuqpiarhimajugun talvannga hivulliqpaakkut ikajuutiun pittailinikkut nutqaqtinniarhimanikkullu COVID-19 Qalagjuarnirmik taapkuanguvaktun inungnut aanniaqtailinikkut maliktakhat. Tadja pihimajugun aallakkiiktunik qanuriliurutikhanik ingattaqtailinikkut qajangnarutinik tikidjutaani, piqalirutaani hiamitirutaanilu COVID-19 Qalagjuarnirmi Nunavunmi. Taimaatun pivallialiurniit nakuunillu kapuutikhani pipkaivaktun angijumik ikajuutinik, taamnaujuq atauttikkut naliinni ikajuuptikni havaqatigiigutini pidjutiug nakuujumik inirutikkut uvani *Nunavutip Apqutikhaani* nungudjutaanilu uvani Inungnun Aannialaqinikkut Amigarniq (PHE).



Ihivriuqhinikkut angummadjutit

Qaangiqlhimajuni 12ni tatqiqhiutini, angiklijuummiqtitavun ihivriuqhinikkut angummadjutikput ukunanilu utiqtiffaarutikkut ublukhainnik ukunani ihivriuqhinirnin ilitturidjutainnik. Ilitturidjutikkut ihivriuqhidjutit pijaaqtun Kangiqilinirmi Iqalungnilu. Talvuuna atauttikkuuqhimajuni ihuarhaqthimajunik akiliqtuqhimajunilu tingmidjutini aghaqtakhanik kiliuqtauhimajunik qaujiharvingmun, piraanginnaqtugun ihivriuqtauhimajunin ilitturidjutainnik uvani 72ni ikaarnirik ikitqijaujunilunniit. Aanniaqtailirniirmut Havagvia pihimajuqlu uvani talvaniittumi munarijaujumi ihivriuqhidjutinik amirinikkut uvanilu aannialaqtimi-hiamidjutini pikpata pipkaijuq imaatun talvani-ublumi ihumagijaunikkut ihivriuqhinirnin ilitturidjutinik.



Kapuqhiutikhat

Kapuutit nakuuniit mikhilaaqtirnikkut pinikkut, hiamitirnikkullu, ukunanilu pilirningani qajangnaqtuni tuqudjauttaaqatunilu aannialaqidjutinik uumannga COVID-19 Qalagjuarnirmin tuhaangunalimaittuq. Amigaitqijauniaq kapurhiqtauhimadjutinik nunallaami, ikitqijaujun qajangnaqtunik aannialaqidjutinik pihimavaktun COVID-19 Qalagjuarnirmin.

Kapuutit nakuutqijaujun aannialaqivallaqaqtailidjutikhavun nakuutqijaujuqlu ikajuutikhavin pihimajavun nuutiriami talvannga pijaaqpiaqtaaqtumun tuqudjauttaaqatunimillu aannialaqidjutimin, uumunga kapuutimin-pilarhuulairutikkut aannialaqtumik. Tadja, kapuutik hailihimangittuq inulrammiinnun nukarhiujunun 12nin. Talvunga tamaita Nunavunmiutat pijaarutaanun COVID-19 Qalagjuarnikkut kapuutimik, Nunavutip pidjuraa tikingittaangani aannialaqtit nunaptiknun hiamititqatidjutaanilu ilaqaqtukhaq aallanik qajagidjutikhanik.



Inungnun Aanniaqtailinikkut Maliktakhat

Hivunikhani inungnun aanniaqtailinikkut maliktakhat ihumaliuqtauniaqtun tamarnik kapuqhiqtaunikkut nakuuninganilu kapuutimi. Kapuutinimi nakuuniq hulaqutijauttaaqtuq aallanguqtauhimajunik ihumaaluutaujun uvanilu kapuutip hivituninganik nakuupkainingani.

Taimaatun kapuqhiqtauniit nunaptikni amigaijuummiqqata, pidjutivun inungnut aanniaqtailinikkut maliktakhani ikiklijuummirnialaqtun. Anginiqaqtuq ilitturipkaijaami taimaatun hivullikkut-naunaitkutikkut qanuriliurutinik ihariagijauniaqtuq aulahimmaarluni pijaami ikiklijuummiqtirnikkut qajangnarnirnik ingattaqtittailinikkullu tikinnianik aannialaqtimi nunallaptiknun talvunga qakugu kapuutik piliuqtauniani hailihimanianilu Nunavunmiunnun qujaginnaq ukiuqaqtunun talvungalu Inungnun Aannialaqinikkut Amigarni (PHE) uqaqtauniani nunguttuq.

Pidjutaa

Taimaatun, anginiqaqtuq taapkuat inungnun aanniaqtailinikkut kiklikhat ihuarhaqtakhait qajangnarniit tikidjutimi hiamitirnirmilu aannialaqidjutimik.

Uvani, katitiqhimajun qaujihimajavun pipkaqtitaatigun imailiurutikkut:

- ilitturilugin ikitqijaudjutait kikliqarutunik (hivullikkut-naunaitkutunik qanuriliurutunik) huli ihariagijaujun nunaptikni mikhilaaqtirnikkut qajangnarningani tikidjutaani aannialaqidjutimik;
- aallanguqtirlugu qaujiharutivun hunamik pidjutiqarutimik hiamitirnianin-aannialaqidjutinin qakugulu hiamitiqtun-aannialaqidjutit uqaqtaudjutaanik;
- Ilitturilugu quvahitqijaujuq pidjuti kiklikhani iharijaujuni nutqaqtittaami hiamitirnia aannialaqidjutimi uvani hiamitirnianin-aannialaqidjutimi piliqqat;
- taimaatun aannialaqijun ilitturijaukpata nunallaami, naunaijarlugu hivullikkut kiudjutikhakkut ukuallu aturutiaqtun inungnut aanniaqtailinikkut maliktakhanik maliklugin kapurhiqtaunikkut amigaitilaangutigun.

Hivullikkut-naunaitkutinin inungnut aanniaqtailinikkut maliktakhat Nunavunmi (ajurnaitqijaujun)

Hapkuat qanuriliurutikhat pidjutiniaqtuq qajangnaidjutikhakkut, pipkainikkut ikitqijaujumik hapummidjutinik talvunga tikitjutaanun hiamitirutaanullu COVID-19 Qalagjuarnirmi, atuliqrniaqtuqlu taimaatun Nunavunmiutat ukiuqaqtun 12-17 pikpata tamaat kapurhiqtaukpata. Hivullikkut-naunaitkutinin atulirniaqtun nunguliqqat July 2021 qaujiaqtauniaqtuqlu tamainni qangiraangata malruungnik hitamanilu havainirni.

Tamaani nunaptikni hapkuat aturutiqarniaqtun:

- Ivjarutit inungmiuvingni akhut pitqjauhijaujuq.
- Pitqjauhijaujuq ahiqpaniilluni inungmiuvingni ilaujullu niqitarvingni niuvirvingni.
- Iglum iluani katimaniit kiklikhaani nanminirijaujuni inungmiuvingnilu igluni:
 - 15nik inungnik ilaulutiklu iglumiutaat igluqpani
 - 15nik inungnik igluqpajiaungittuni.
 - 20nik inungnik katimalutik uqaudjiutinik ikajuutikkullu katimajuni.
 - 25nik inungnik nalujaqtukkat katimajuni
 - 75%mik naamadjutaanun imaaluunnii 100nik inungnik, kitumiliqaak ikitqijaujumi katimavingni miitiriaqturvingniluunniit katimaviinni.
 - Piksassuuriaqturvik angaadjuvillu naamadjutaanun 75%mik imaaluunniit 100nik inungnik, kitumiliqaak ikitqijaujumi.
 - Nirijaqtuqviit naamadjutaanun 75%mik piluni malruungnik miitanik unghiktillaaqarluni ikpatini inungnilu utaqqijuni.
 - Haakirviit, makpiraaqarviit, ingilraangnitanik tutquumaviit, qunngiariaqturviit naamadjutaanun 50%mik imaaluunniit 50nik inungnik kitumiliqaak ikitqijaujumi.
 - Haakirviit amigaitqijaunirmun kikliqaqtut 50nik qunngiaqtunik.
 - Hivitujumik munaqtauviit igluqpait, aulraanginnaqtuni munaqtauviit igluqpait, najurviit pijaaqtun malruungnik pulaaqtunik atauhirmun najuqhijaujumun; ivjarutit atuqtaujuqhat tamainnun pulaaqtunun avatquhimajunin ukiuqaqtunin 4nik, qanitiqijaujunnait ilagijaminik.
- Taaksit pijaaqtun amigaittunik taksituqtukhanik piqarlutik ivjarutinik atuqtauhimajut.
- Kikliqarngittun hilami katimadjutinik, minnguiqhirviit ulapqiviillu angmaumajun.
- Ihariagijaujun ihariagijaungittullu havagviit angmaumajun.
- Nunaptikni aullaarniq angiqtauhimajuj.
- Iliharviit, Nunavunmi Iliharuaqpaalivik nutaqqivivillu angmaumajun.

Hivullikkut-naunaitkutikkut qanuriliurutikhat amigaittuummijaaqtun taimaatun:


- Qajangnarniq tikinnianik angiklijuummiiqqat taimatun haniliriiktavun nunagijaujun piqalirumik angijunik hiamitiriani-aannialaqidjutimi COVID-19 Qalagjuarnirmik.
- Nutaaq COVID-19 Qalagjuarnirmi aallanguqtauhimajuj hulaqativaktait nakuuninginni COVID-19 Qalagjuarnikkut kapuutiit.
- Ihivriurutivung kiudjutivullu angummadjutivut ikiklijuummiiqiaqtuq.
- Nutaani nuiliqtunilu inungnut aanniaqtailinikkut ilitturijaujun mighaagun tamainni kapuutinik nakuuninginni.
- Qajangnarniq tikinnianik angiklijuummiiqqat talvanga COVID-19 Qalagjuarniq inmat haniliriiktaptikni nunallaani.



Hivullikkut kiudjutit tikitpa COVID-19 Qalagjuarniq

Taimaatun Inungnun Aannialaqinikkut Amigarni (PHE) atuqhimmaaqtillugu, ilitturijauhijamajut aannialaqihimajun COVID-19 Qalagjuarnikkut pipkailimaittuq nutqangittinirmik atuqtipkainirmiklu akhuuqpiatunin unungnut aanniaqtailinikkut maliktakhanik.

Hivulliqkkut inungnun aanniaqtailinikkut kiudjuti uvunga tikinnirmun COVID-19 Qalagjuarnikkut nunallaami qanuqtullu kiklikharutikhainnun iliuraqtauniaqtun maliklugin ukunani pingahuni kapurhiriaqtunikkut naunaitkutainni:



Qanuqtun qajangnautaa qaujiaqtaujuummirnialtuq tunnganiqarluni COVID-19 Qalagjuarnikkut aallanguqtauhimajuni hulaqtainni kapuutinin nakuuninginni, nutaani nuiliqtunilu inungnun aanniaqtailinikkut ilitturijaujun, unalu COVID-19 Qalagjuarnikkut qanurinningani nunaptikni.

Pipkainiq kiklikhanun piinariaqangittuq nutqaqtirnikkut (imaakiaq umiktiqhugin nirviit) kihimi pijuummiqtirutinik kiklikhanik katimanikkut kikliinnik, pipkainiq atuqtaujujkanik ivjarutinik atuqtaujujkaniklu ahiqpaniidjutinik, ikikliharutinik havagutinik, himmirluniluunniit qaritaujakkuuqtukkut havagutinun.

Kapurhirnikkut qanurinningit hivulliurniaqtaillu Ilinniaqtulijikkut Havagvia iliharvingni angmaqtiffaarnikkut hivunikanik nunallaani piqaqtunin COVID-19 Qalagjuarnikkut aannialaqihimajunik. Iliharviit umiinarialangittungharhijun COVID-19 Qalagjuarniq tikitpat nunallaamun. Atuqpakhimaniit tautuktittaa taapkunani nunallaani talvani amigaitqijaujun inirnik kapuqtauhimajun, umiktirniit iliharvingnik piinariaqangittuq amirijaami aannialaqidjutimi-hiamitirniinnik. Ikajuutit kapuutini ukuallu ajuiqtakhat ajuiqtaujun talvannga aullaqtirutaanin nunajuarmi-aannialaqidjutimi tautuktittuq turaangadjutivuk taimaatun ittuq iliharviit angmaumajukhat. Ilihaqtun hapummijauniaqtun talvuuna piqparhimajuni atuqhimanikkut naunaijarutainni, atuqhimanikkut ivjarutinik ikiklijuummirnikkut aktunikkut talvuunga katimanikkut ikiklijuummirnikkullu ilaliutihimajunik-iliharvingni hulidjutainnik. Iliharvingni umikviit piinnariaqtun piqaqqat hiamitpialiqtumik nunallaami COVID-19 Qalagjuarnirmik.



Nunallaat pilgit 75%nik amigaitqijaujumiklunniit kapurhirnikkut aktilaanginni takuniarungnarhijun:

- Kiklikhat katimanikkut aktilaanginnik, iglun-iluani hialamilu, qujaginnaq inikhami inungmiuvingmi nanminirijaujuniluunniit;
- Kiklikhat katimanikkut aktilaanginnik nanminirijaujuni igluqpani;
- Pipkainiit atuqtaujukhanik ivjarutinin inungmiuvingni, imaalu/imaaluunniit
- Ikiklijuummirniit inungni nirijaqturvingnik, naliinnilu imiriaqturvingni.



Nunallaat pilgit 50%nik uvungalu 74%nik kapurhirnikkut aktilaanginni takuniarungnarhijun:

- Amigaitqijaujunik kiklikhat katimanikkut aktilaanginnik, iglun-iluani hialamilu, qujaginnaq inikhami inungmiuvingmi nanminirijaujuniluunniit;
- Amigaitqijaujunik kiklikhat katimanikkut aktilaanginnik nanminirijaujuni igluqpani;
- Pipkainiit atuqtaujukhanik ivjarutinin inungmiuvingni, imaalu/imaaluunniit
- Ikiklijuummirniit inungni nirijaqturvingnik, naliinnilu imiriaqturvingni.



Nunallaat pilgit 49%nik ikitqijaujuniklunniit kapurhirnikkut aktilaanginni takuniarungnarhijun:

- Amigaitqijaujuni kiklikhat katimanikkut aktilaanginnik, iglun-iluani hialamilu, qujaginnaq inikhami inungmiuvingmi nanminirijaujuniluunniit;
- Amigaitqijaujuni kiklikhat katimanikkut aktilaanginnik nanminirijaujuni igluqpani;
- Pipkainiit atuqtaujukhanik ivjarutinin inungmiuvingni;
- Taitai ikiklijuummirniit inungni nirijaqturvingnik, naliinnilu imiriaqturvingni.
- Ikiklijuummirniit inungnun havagutinun, upautihimanikkut munarhiliarutini havagvingnilu;
- Pipkainiit ihuarhaqtauhimajunik ubluqhiutikhanik iliharvingnun, imaalu/imaaluunniit
- Kiklikhanik aullaarnikkut nunallaamin.

Uqariijauti aannialaqidjutimi-hiamitirniinnik atuqtipkainikkullu akhut kiklikhainnik inungnut aanniaqtailinikkut maliktakhanik

Pidjutikhaa uqariijautikkut COVID-19 Qalagjuarnikkut aannialaqidjutimik-hiamitirniinnik pidjutiqarniaquq hapkunani inungnut aanniaqtailinikkut maliktakhani:

- **Pidjuti talvani avaqutini ilitturijauhijajunik aannialaqihijajuni amigaitqijajuuq 5%min tamainnik naunaijaqhijajuni**, ilitturiutidjuti angitqijamik pinirmik ilitturijauhijangittunik hiamitirniinnik nunallaami.
- **Nunallaami hiamitirniit** – angitqijajuni amigaitilaanginnik nunallaami hiamitirutini, piqpiarungnarhijuuq hiamitiqpiarutini.
- **Hivituniani ublukhani qinguagun tikinnirmi pitinnagu aannialaqidjutimi-hiaminniani**. Atuqpakhimanikkut naunaiqtitaa qilamik ilitariniq tikidjutimi pipkaijuq qilamitqijajunik ajurnaitqijajuniklu amirinirnik. Naunaitkutiqaaqat pilik angijunik kinguvaqtittinirnik ilitturinikkut aannialaqidjutimi-hiamitirniinnik, piqpariarungnarhivuuq akhuuqtaujunik inungnut aanniaqtailinikkut maliktakhanik.
- **Taimaatun COVID-19 Qalagjuarnikkut aallanguqtauhijajuuq itpat nunallaami, avikturhijajuni nunaptikniluunniit tautungnarhijuuq atpaqtuuq nakuuninganik kapuutimik** (imaatun kapuuti ataanittuuq 75%mi nakuuninganik).

Taimaatun una pivik atuliqqat, hapkuat ataani inungnut aanniaqtailinikkut maliktakhat atuqtauniaqtun:

- **Ivjarutit inungmiuvingni atuqtaujukhat.**
- **Pitqijauhijajuuq ahiqpaniilluni inungmiuvingni ilaujullu niqitarvingni niuvirvingni.**
- **Iglum iluani katimaniit kiklikhaani nanminirijajuni inungmiuvingnilu igluni:**
 - Pulaatiqaqtukhaungittun, tallimat inuit naammagijajun amigarnarhidjutinun ilaunginnarlutik taapkununga igluqpamiutajunun iglupagijajuni igluqpajajungittunilu.
 - Katimalimaittun.
- Hivitujumik munaqtauviit igluqpait, aulraanginnaqtuni munaqtauviit, igluqpait najurviit umikhimajun pulaaqtinun, tahamaniittullu qimalimaittaillu igluqpait aniirviillu, ilaujullu munarhitkut.
- Taaksiit pijaaqtun atauhirmik taksituqtumik atauhirmi taaksiturnirmi ivjarutit atuqtaujukhat.
- Hilami katimaniit kikliqaqtuuq tallimanun inungnut, minnguiqhirviit hilami ulapqiviillu umikhimajun.
- Ihariagijajun havagviit angmaqhimajun, ivjarutin atuqtaujukhat.
- Ihariagijajungittun havagviit, ulapqiviit igluqpait inungnullu havagviit umikhimajun.
- Nunavunmi Iliharipaalivik - unghiktukkut iliharutiinnainnun.
- Tamaita iliharviit ilaliutihijajait iliharvingni unghiktuknullu iliharutinik umiktaaqtuunniit.
- Nutaqqiqiviit angmaumattaqtun ihariagijajun havaktiinnainnarnun.
- Aullaarutit kikliqaqtun

Apqutikhaq Hivunimi


GN-kut hivunikhaliuqtukhat hivunikhamun piqangittumik Inungnun Aannialaqinikkut Amigarni (PHE), talvani COVID-19 Qalagjuarniq ihumagijauluni aajjikkiiktukkut taimaatun qujaginnani aallanik kapuutikkut-pilarhuulairutikkut aannialaqutimik. Inirutikkut turaangania uumani *Nunavuttip Apqutikhaani* taimaatun piiqtirnikkut Inungnun Aannialaqinikkut Amigarni (PHE).

GN-kut atuqniaqtun nalunaqtunik-tunnganiqaqtunik ilitturidjutinik tautukhamajuniklu aallanin nunagijaujunin naunajariami qajangnarniit hivumuulunilu aallangurutinik piraalirluni. Qanurinnia COVID-19 Qalagjuarnirmi nunaptikni Hivuraanilu Kanadami, kiunikkut angumadjutit ukuallu aallat hivulilurutivun, hivulliurniaqtun qanuqtun qakugulu hapkuat piraaliqtun aallanuqtirutik piniaqtun.


Taimaatun kapurhiritiit pidjutait tamaani nunaptikni kapuutikkullu pittaarutait angiklijuummirniani tamainnun Nunavunmiunnun, havangniaqtugun ajunairharutikkut kakugulu pijarutikkut inungnut aanniaqtailinikkut maliktakhanik, ihuarhainikkut kakugulu pijarnikkut avaliingaaqtukhakkut pitqujauhimagadjutit kingullikkullu, nuutirluta inungnut aanniaqtailinikkut maliktakhatigun kiudjutimin COVID-19 Qalagjuarnirmun, uvunga atuqtpikailinikkut havauhiqtuutunik atuqtauraanginnaqtunik munarhitkunni havagutainnun.

Ukunani tikittukhanik havainirni tatqiqhitiniklu, qanurinniaq ingattaqhimaitpat ukuallu hivulliutivun qanurittun pipkaqtitpata, hapkuat piraalutik aallanguqtirutit pipkaqtauniaqtun:

Inungnun aanniaqtailinikkut qanuriliurutikhat ikajuutaujun unalu Inungnun Aannialaqinikkut Amigarni (PHE)



Aullaarniit ukuallu avaliingaaqnikkut qanuriliurutiit



Kavamatkunin Aanniaqtailinikkut kiudjuti COVID-19 Qalagjuarnirmun nunaptikni



Munarihimmaarlutin uplaungaiqhimalutillu

Nunavunmiutat havagutait apqutiptikni hivumun pijumahimmaarniaqtuq. Munarihimmaarniq pijukhaq mikhilaaqtihimanikkut qangnarniinni COVID-19 Qalagjuarnirmi:

- **Ilitturihimalutin malikluglllu inungnun aanniaqtailinikkut uqaudjutait.**
- **Kapurhirlutin.** Kapurhiritit nakuutqijaujuni ikajuutit aannialaqirjuangittaami COVID-19 Qalagjuarnirmin.
- **Pivaklutin nakuujunik halummarhidjutinik, nungutqaluaqtillugu Inungnun Aannialaqinikkut Amigarni (PHE).** Takuhimajugun qanuqtun ajurnaittun hunat mikhilaaqtittaaqtait qajangnarniit puvakkut aannialaqidjutini. Una taimailiuqtukhaq:
 - algat halumajukhat,
 - atimaluni ivjarutimik ihuaqqat,
 - kahagaruiqlugu akuliat,
 - aihimalutin aannialiruvini, imaalu
 - aturlutin anirhaaktarnikkut pidjarighaarnirnik.

Iniqtirutaa

Taimaatun Nunavun nuutiqtillugu uumannga Inungnun Aannialaqinikkut Amigarnirmin (PHE) aulapkaqtitaujuq inungnun aanniaqtailinikkut kiklikhanin, ihumaliuqtait hulidjutuillu tamainnin Nunavunmiunnin ihumaliurniaqtaa nunaptikni hivunikhaa pidjutaani COVID-19 Qalagjuarnirmi. Uvani nunarjuarmi-aannialaqidjtuimi, tamaita inuit qanuriliuqpaktun ikajurnikkut hapumminikkut piqpagijamingnik, ilamingnik nunallaamingniklu. Taamna piqpiarumaniq havakpiarniqlu ihariagijaujuq Nunavutip nakuudjutainnun. Ublumi, niriuktugun quviahukhuta nungudjutaani Inungnun Aannialaqinikkut Amigarnirmi (PHE) ublukhanullu inuuhivun hulaqutauhiurutaanun COVID-19 Qalagjuarnirmin.



